

甌

甄

洞

續

稿

龍興洞續稿詩部

卷之七

三

武昌

吳國倫 著

稿李

馮夢禎 校

五言排律

正月十六日陪張使君過子壻呂惟烈宅對雪

即事

小隊引熊幡清遊似兔園素華飄萬樹春色晃千門
已罷裝燈技欣開對雪樽玉堂天不夜銀海月微昏
錦帳賓筵合璇題御墨尊賦慚梁客奏歌避郢人喧
密坐寒威失深談上意行醉看瑤草集彷彿面崑崙

龍興洞續稿一

卷之七

一

太中丞方公定之填撫秦楚大梁三省會以七十告老奉旨特留尋擢南京少司徒且行寄

賀二十韻

不挺天都彥誰當命世賢
曜乘箕尾出孤待岳靈縣
事業占青簡聲詩託素弦
風雲披駿足牛斗拔龍淵
五土經營遍三關節制專
舞干休甲馬插羽斷烽烟
照府書勞日轅門振旅年
一言方請老四嶽更推先
命累師中錫官今白下
遷總緣耆德茂應待主恩
偏白髮神逾王女心道已全
據鞍仍翼鏢揮塵任蹠
躔民力東南紬軍需海
數滇禁城千騎列畿甸八
駟

旋正苦芻蜚急何當 詔賜蠲大農操上策率土仗
微權但慰群生望無疑萬壽延丹書周父獻綠竹武
公傳清切扶 皇運調和贊御筮定知霄漢裡重叶
卿慶音雲篇

○王方伯考績奉 詔封三代詩以賀之

聖代修名實王言右恪恭請看虞岳牧誰及魯儒宗
政自衡湘報才應海岱鍾 君恩優歷試祖德見重
封增秩來章服銘勞屬景鐘四方行鎮靜八座佇從
容紫極瞻三象丹心翊六龍定知賡喜起不獨慶遭
逢

○○還自太和荅鄭汝志見懷

汝志方卧病頗以不得同遊太和爲憾因賦
長律見懷意耽耽甚也依體賦荅成十二韻

與子二年別况經千里遊春雲淹伏枕漢水滯歸舟
謁帝玄宮杳懷人白社幽雲霞披嶽嶺風雨暗湖頭
樹隱浮丘室香生聚窟洲佩鳴群籟叶幢閃衆星流
鶴駕元君降鸞輶玉女留五城殊不遠七聖儼相求
高步無三島平臨隘九州從來身是幻所過迹俱浮
何處神仙訣能寬老大憂新詩遠持贈珍重夜珠投

○○與門人陳伯珍談秋

汝抱經生業猶聞作者風力須扛鼎健心應斲輪工
縱步防歧逕聆音審異同和歌從古郢比跡造新豐
調與宮商叶神將雅頌通賦增司馬病詩助少陵窮
取意筌蹄外成文變幻中老夫無寸補吾黨自稱雄

歲杪送方仲美携家還新安二十八韻

仲美天都士飄然五嶽身名從詞苑著交屬布衣真
古色凌吹劔文心應斲輪六書憑巧力諸體競精神
攬勝先之楚移家非避秦妻孥聊有託藜藿共忘貧
歲月羈愁失郊園樂事新徑穿隨舞鶴溪泛狎遊鱗
總欲諧謹詭曾何辨主賓染毫增氣象携手過風塵

老怪詩魔癖窮憐酒伴親醉眠分枕石箕坐並垂綸
竹樹欣同社烟霞幸比隣那知操去楫忽爾問前津
考鼓迎河伯調琴別館人黃山天咫尺歛浦夢逡巡
柰是江關險燕之雨雪頻征衣殊黯淡解袂獨酸辛
世重千金賦家無十斗困薄田經旱潦陋室長荆藜
弛擔重措櫬行歌旋采薪杯供陶令酒盤藝李膺尊
且學栖愚谷難逢獵渭濱遨遊青雀舫潦倒白纈巾
鴈失三湘地海爭兩地春懷人音是玉望遠髮如銀
縱使成漂泊還當念隱淪百年期未定友道莫緇磷

舟過鄂渚呈大中丞邵公十六韻

廿載長安別相求寤寐中久併空谷老未有尺書通
見道銜新命居然振舊風漢廷中執法楚服大元戎
幕府群靈擁天門八翼神授囊分赤白說劔凜雌雄
揮羽風雲變塞旗瘴滿空陸師陳組練水戰習濠臙
不鼓三苗格無波九水同非緣先保障誰爲起疲癯
野奏徠蘇頌朝銘夾輔功居入瞻玉節天子下彤
弓偶爾乘烟艇相將涉渚宮前茅知不遠列栢望逾
崇自分溝中朴寧當爨下桐徘徊感今昔江雨驟冥
濛

送武昌孫明府入覲

早識青雲器登名願不孤
一官緣老母萬里自長途
小結山陽綬旋分鄂縣符
委身親案牘飛譽起江湖
白簡爭相薦彤庭望欲趨
風同桑下雉雲擁尚方臯
名聞關民瘼開陳切
帝圖中天縣玉鏡待汝赤心
扶

送大冶郭明府入 覲

憶薦中州士無如郭隗賢
蹉跎金馬詔慷慨帝京篇
領邑遙之楚趨朝復向燕
鳴琴師宓令飛馬擬喬仙
玉帛同元會冠裳切御筵
春回雙露掌恩湛五雲天
蚤自徵三異旋當被九遷
河橋一樽酒猶爲故八憐

王太夫人輓詩

元美幼也補刻

自違王司馬偏叨剪拂私升堂曾拜母談秬亦從兒
不忝通家義在深末坐知殊方消息斷八座起居遲
直道傷黃鵠猶然念伏雌病成多難後心死未亡時
鼎養身偏瘠輿迎色未怡儒門曹世叔列傳魯巖姬
象服賢堪稱著簪老未遺樵今同穴處真遂百年期
潤藻餘芳澤庭讓萎改姿夜臺雙鶴吊名閨二龍持
淚盡湘妃竹哀銜幼婦碑倚闥空燕雀築闕表龜螭
嶺外傳凶問江東失令儀可憐廬墓者相嚮不勝悲

安小范祠部得請改南送有此寄

王事無南北移家近故山陪京仍画省新侶亦仙班
地縱登臨癖官餘簿領閒鳳臺留勝蹟龍水護嚴關
興藉三茅遣詩兼六代洲江雲吳楚變王氣斗牛間
載酒長干去看花石法遊 明主賜寢寐邇

天類

久雨病農竊有憂志遂成十韻

怪自春徂夏淫霖總未開決旬纔見日中夜又聞雷
潦積成河決颺狂卷土來連汗滋白莽比屋漫蒼苔

石燕勞舒翅神魚阻暴鱗雲乘隣國弔

春秋宋人水
曾使弔焉曰

天作淫雨
言千乘憾

飛麥老農哀

晉永嘉中梁州雨十
餘麥化為飛蛾去

峽女行

應倦江神怒不回二儀將混合四曜忽摧頽已失青
陽令能無赤旱災病夫憂轉劇誰負補天才

哭吳壽卿方伯

憶自趨蠻府同心樹漢標花間頻接席郭外每連鑣
汝幸辭榮祿予慚負 聖朝十年空問訊一壑竟蕭
條病豈憂生劇魂疑厭世銷雙龍虛射斗八翼委冲
霄佩劍誰應許牀琴不復調總隨金母去終恨玉人
遙國史傳清德門徒賦大招齋前章貢水東逝前迢
迢

清明日張子元方仲美携酒北園見訪

宿雨侵元已晨暉吐豔陽園居林鳥變閣望野雲長
有客過山徑薄薄晴衆芳旋鋪花外席時據竹間牀
會擬蘭亭熱飲同曲水觴回波吹亂磧茂樹隱飛梁
盛世安遺佚餘生任老狂醉中看物理何事不堪忘

送李中丞汝真赴南都少司寇得十六韻

上國論經術誰當第一流策名關氣象命世屬君侯
殿閣曾題柱寰區待運籌望京依北斗開府奠南陬
電影朱旗閃霜華白鉞流風清羊祜碣月滿庾公樓
江漢波濤靜閭閻士女休九谿無斥埃列郡起歌謳
賦掩神姬嘆恩宣處士洲詔銜雙鳳下書奏五兵收

弭節辭黃鶴行營勒絳騶踟躕江路發慷慨秣陵遊
地以登臨壯才兼將相優入持邦國禁分贊 帝王
猷努力銘鐘鼎還 朝侍冕旒皇皇諸父老那得寇
君留

詠銅雀硯

銅雀已飛去高臺空復情只餘臺上瓦猶記鄴中盟
匪石偏堅潤如圭卻正平紀年存故號含土見真精
黯澹憐歌妓淋漓待聖卿璞文依案隱星色繞毫生
氣逼金銀吐寒凌風雨驚馬肝無重價龍尾但虛名
澤滌三湘秀華增二曜明思玄吾漸懶守黑汝同貞

種蕉館題贈元吉宗戾

小築芭蕉館，王孫習靜時。
披雲翻綠羽，拂石卷青絲。
自悟栽培理，寧會雨露私。
風生班女扇，月引漢宮旗。
累葉成禪映，同心足護持。
焚魚棲漸僻，覆鹿夢何疑。
清響流虛闥，濃陰蔭曲池。
停樽偶攀折，隨意寫新詩。

以詩代柬荅胡別駕

相望百餘里，相違十九年。
不關秦越阻，徒使夢魂牽。
江路黃龍洲接，山行白雉山連。
一書垂老至，百感向誰宣。
末路彈冠拙，當時握手偏。
行藏俱幻影，耕鑿且塵緣。
擬賦流觴社，先投頌酒篇。
興來須命駕，累日醉

花前

李和元民部再過觴之北園賦十二韻

爲報軒車客重來，叩竹扉一樽忘老病。
三徑款容揮露砌，苔仍滑霜林葉漸稀。
踈花點籬落古樹，宿烟霏蠟屐憑雲磴。
浮槎亂水衣波搖，千石動山盡一梁飛。
得景狂難制，追歡興不違。扶藜過絕澗，臨眺及斜暉。
度曲松聲緩，充盤菜甲肥。達觀齊物理，深飲見天機。
夜永烏初定，沙寒鴈未歸。更乘湖上月，將酒坐漁磯。

劉母董安人七十壽詩

舊署郎官第，新開壽母堂。群靈趨燕喜，三朔兆嘉祥。

象服金閨賜寶書玉笥藏廣筵修水陸喬木飽風霜
書倩青鸞報愛和赤雉嘗斑衣兒起舞珠履客稱觴
宴擬群仙集人知百歲康瑤池應咫尺冉冉綠雲翔

和黃元甫進士壽子七十詩

未竟縣弧志俄臨賜杖年古稀人所羨時過少相憐
軒冕無常貴烟蘿有靜緣不辭趨蔗境聊且種芝田
分與風塵絕情惟故舊專贈言真比玉將酒復如泉
意氣論文後光輝解褐前餘生仍守黑賴爾獨傳玄
爲惜春陽景重操雪夜船和歌殊慷慨起舞更踟躕
何用九還鼎虛勞百鍊鉛但從花底醉同是飲中仙

爲功甫方伯壽其母太恭人八十詩

帝命層霄下官階四嶽崇茲堂開燕喜佳氣鬱鴻蒙
鼎實中厨異衣函內笥工光輝騰鳳穴禮數洽蠶宮
愛日巴江遠瞻雲楚峽通青城仙縹緲玉壘樹青葱
造膝諸孫擁稱觴百福同里門冠蓋集華屋佩環克
卜壽應無筭窺顏迴是童一經家祚起累世國恩隆
已近三台象猶傳萬石風即看名世業無異補天功

送張叔見使君入覲

極北一陽迴荆南萬象開遠馳神駿足重上古燕臺
江漢流清譽朝廷簡異才班聯群牧序詔拂五雲裁

玉帛尊元會主璋燭上台皇州春浩蕩仙掌露崔嵬
陛宴張天樂高呼獻壽杯治平誰第一先拜賜金來
送郡博莫崇謙赴瓊山令

詔徹三經帶行分百里符郎星輝絕域驥足展修途
潮撼乾坤震法連島嶼孤山盤黎部落壤割漢輿圖
屢霧時吞吐珠光忽有無君恩忘遠近民社倚匡
扶鐵樹花偏麗瓊崖石未枯定知霄漢上臺史候雙
鳧

元善過欽北園

春回四十日別圃豔陽多不縱行遊興其如卉石何

客來花正發家近酒頻過鶴解憐貧病鶯能促笑歌
溪光然爛熳磴道結陂陀瀑漲巖間桂烟縈洞口蘿
拚人譏放浪與子醉婆娑日落山橋暝詩成緩步哦

詠龜山怪石

山在夾節湖石宛然一里許詩不能盡狀

湖上龜山石奇蹤未可名樓臺霏霧結底柱白雲撐
奮迅飛難去玲瓏鑿不成望疑金作埒來訝玉爲城
角立蛟螭怒拳連鬼魅驚波痕時隱見野色變陰晴
雪磴峰峰擁風泉處處鳴群羊爭欲起只少遇初平

詠南城潭怪石

下雉春流淺南城野磧高灘腰橫古渡沙口集漁舫

怪石紛蟠鬱驚湍迴怒號寒分庾嶺雪色借廣陵濤
突兀支千層參差駕六鼇乘槎及河鼓遺佩在江臯
忽似沉犀起虛防射虎勞何當移近舍日日對持醪

送門人黃元甫教諭建昌

射策金門後天曹更愛才儒林經術重黌舍講筵開
祿薄君恩廣道寒士氣培毫揮廬阜色手植豫章材
童冠趨蹕至問閭揖讓回海昏千樹擁彭蠡片鴻來
擬薦相如賦還登郭隗臺風雲期遇合且勿歎無媒

與蕭含舉談藝作

信是才情美翩翩六藝場名非經術重澤以世家長

達節懷嵇阮新篇擬漢唐坐曾穿木榻行只載縹緲
興借名山助歌隨酒伴狂星軒搖彩筆風匣吼干將
忽爾移蘭棹飄然過草堂言修羔鴈誓儼揖鳳鸞翔
北面吾何敢南圖汝故疆將無憐老病亦復叩文章
此意看千古端居覽八荒射侯資巧力觀樂審官商
勇欲環金甲沉須釣玉璜先民誰虎視後死定鷹揚
執手言相印降心起自觴頻年虛馬白一顧失驪黃
好振三閭業雄爭九曜光勉旃戒遐軌安穩適周行
松萱介壽圖爲周敬甫秀才題祝其母

映石忘憂草參天不老松爲稱慈母壽兼擬大夫松

明月爲環珮和風應鼓鐘堂開金女宴天駐玉姜容
原上輕輿繞花間彩服重雕盤麟脯苾錦幄獸烟濃
儼有群仙聚應知百福從無須數甲子佳氣正龍從

送祥上人赴黃州報恩寺檢藏經兼簡王行甫

江上浮杯去不知江水深彌天都妄境易地亦叢林
試檢光明藏因參妙覺心空花非有相潮海故無音
人鬼驚緇貝檀那喜布金如開白蓮社陶陸費招尋

友人程汝正六十詩

有美人如玉論交自少年名移青桂隱家歷素封傳
濕迹聊端木規時亦計然虛舟託江海短褐傲風煙

慷慨行高義，溫恭慕昔賢。丹山開別館，白岳訪真詮。
顏豈芝苓駐，神應水石全。尋常占熱氣，六十未華顛。
子姓多鴻士，追隨半鹿仙。不須金母宴，靈液是天泉。
馬大叅行賑下邑賦贈

行部及春陽，登車擊衆芳。爲傳寬恤詔，遙過水雲鄉。
保障憂仍劇，旬宣策故長。察眉占疾苦，揮淚問流亡。
檄下紛移粟，恩均陋發棠。萬民爭蟻附，群盜敢鴟張。
豈憚巡阡陌，猶勤卜雨暘。清風開二鄂，流韻滿三湘。
暑中憂旱聞嘉魚，以上兩足年豐有感寄上方

尚書八韵

相去不千里胡爲又一天炎蒸愁處毒雷雨陰中懸
合是災祥異翻疑造化偏雉城仍亢旱魚獄自豐年
大老居無恙貧家厄未蠲敢貪移粟飽只想據梧眠
豈盡無膏壤眞辰播石田會須從辟穀命藉赤松延

徐母彭孺人詠詩

不忝徐卿婦名緣二子彰甫看遺桂籍忽自掩蘭房
愛日虛爛彩號天龍壽觴劬勞難可報祿賜好誰將
擁襯循江路招魂返故鄉里人悲并曰夫主憶糟糠
素旄風偏疾黃墟夜揔長會看浩錫命藜草亦輝光
秋日黃思素思貞徐應時盛同齡呂惟烈過賞

紫牡丹醉賦十韵

試按名花譜無如魏紫奇紅英標國色綠萼捧霞脂
土脉驚移植山靈巧護持翻從搖落候忽吐艷陽姿
似欲凌風露將無起夢思春光那可再暮景若爲私
子壻諧欣賞親朋競賦詩風來香滿座上酒盈卮
勝事無前代孤芳合後時宛同妃子醉誰笑老人癡

賀郭明府考績受恩

楚令才稱最虞廷績豈虛遙傳雙鳳詔儼近六龍車
珍重 天王寵輝煌太史書九霄懸象緯二代紹瓊
瑤下邑名新重中嵩氣漸舒風謠載金石喜色徧樵

漁論自朝堂定功應潁渤如赤心今更厲何以荅
宸居

黃徵君汝明六十壽詩

吾黨儒家彥陳荀不營過懷才虛甲第抗志凜山河
爲厭風塵跡歸培雨露柯隱投青桂社閒誦紫芝歌
海嶽神能遍雲霞手自摩古松留酌酹修竹助吟哦
雜佩鳴瓊玖仙衣集芟荷渥洼龍種躍丹穴鳳雛多
壽域開南域賓筵拖太和九天回絳鶴一笑指銅駝
花擁漏欄舞香飄靄霧羅稱觴來皓叟挾瑟奏青娥
葉熟黃金鳥風高白玉珂帝心懸夢卜門闕擬嵯

峨拜老恩將及還童術豈訛交情聯縞紵姻好在絲
羅促席歡聲劇扶筇醉色醜百年江漢浦相傍理烟
簑

贈髮僧趙用拙遠遊

靜境都無念名山卻有緣棄家從白衲投社結青蓮
雲引孤蓬到星分五岳縣會心臨水月觀世出風烟
興以行遊適情寧去住牽杖飛龍隱約衣振鶴蹠蹻
聽法應留偈逢師莫問禪隨方均寶地稱佛是金仙
鉢在誰相授燈明不盡傳六身皆可幻諸障總能捐
咫尺三天過須臾八極旋老夫眠一壺何自叩冥詮

甌甌洞續稿

卷之七

十四

冬日卽事

一年俱亢旱雨雪占全冬日日陰霾合家家濁水衝
泥深埋馬足冰坼斷人蹤電奪玄冥候雲迷遠近峰
橫流侵二麥噫氣損千松地力枯垂盡天災慘更重
比隣難乞火跬步即扶筇冷稀晨爨庾傾罷夕春
誰能堪凍餒况乃迫程庸沛澤時漂骨乾坤亦改容
處堂安燕雀近市走魚龍望霧無消息傷心聽曉鐘

一品夫人方母誕詩

淑氣分南嶽刑于自上公簪纓偕白首日月吐丹衷
七誡遵無缺三遷訓備工宦遊資苦節邊略翊膚功

地歷多艱盡階聯八座崇褒書銜鳳軸朝禮冠特
身竝依雲表幾先戒日中風塵歸倦鳥霄漢舉冥鴻
壽母詩人頌嚴繼國史同偶然親藥餌忽自掩房櫳
夜入逍遙夢晨辭矍鑠翁遊仙騎絳鶴應識走黃熊
懿軌嗟難繼慈幃望已空祗應還太素那可測穹窿
鑿隧敦經始穿碑紀令終輶軒天幸足題湊 主恩
隆冢合祁連象廬支宿莽叢樹封泉脉脉飛旒雨淩
冢賓客哀相嚮兒孫恨未窮束芻千里奠江漢起悲
風

徐廷祥封君七十壽詩

族本南州裔人猶高士風一丘淹伏驥千仞縱冥鴻
木石存孤跡鄉隣遜直躬息心從澹泊觀世託玄空
旋挈三經笥新移半畝宮歌呼朝市外坐卧野雲中
欲結青霞侶應逢白兔公無愁知卻老有術信還童
玉樹庭雙秀金閨籍漸通榮名貽穀顯褒錫義方同
壽域春貽蕩賓筵氣鬱葱幾時從帝駕問道入崆峒

俞母姜孺人輓詩

母性真如佛慈悲衆所憐無聲聞域外有善積生前
案自同光舉居仍學孟遷纔看躋壽域忽漫掩重泉
已謝忘憂草難追燕喜篇家風餘并曰口澤尚柘椽

朴素鄉人範音徽野史傳招魂薦蘭茝雙淚獨潛然
哭劉世仰十二韻

自汝操經術人稱武庫兒忘年交不淺通籍數偏奇
志詘名成後痾深食少時寸心灰內顧萬事失前期
舉案風斯遠髡頭毒漸滋未羞梁武膳甘撤馬融帷
骨立銜孤憤魂銷託九疑賈生同早世伯道有餘悲
忍負先臣望難酬二母慈此身元幻化冥筭忽推移
不瞑憂生目誰傳絕命辭空山一杯土風雨暮淒其

蕭母王孺人七十壽詩

有引

孺人爲子承明府配含譽孝廉母也不佞嘗

與子承同仕閩頃又託交合譽蓋有通家之
誼焉聞孺人七十強健心竊爲含譽喜因賦

一詩壽之得十二韻

望望多雲里雲成五色光隨風飄獻彩遶席映稱觴
淑氣來金母慈顏顧玉郎導輿崔氏樂徒室孟家祥
闕闕儒風表箕裘世業昌已看饒鼎俎猶自問蠶桑
海上青鸞至峰頭絳鶴翔地分三楚秀天與百年康
戶集蟬聯客歌并燕喜堂然供仙棧美鑪蕕晚蘭香
想像神情健覩知祿筭長還應霄漢裡清切下褒章

綠雨軒詩贈江夏下道甫

予門人徐伯
高爲乞題

吾徒徐孺子善道館人賢築圃江光近環亭卉色鮮
四時飛綠雨一榻卧青天螺黛勻溪塢琅玕拂几筵
課兒書滿架邀客酒如泉日涉成佳趣陰晴總晏然

飲李季宣青蓮館留題六韻

背郭營精舍蕭疎邗水邊和雲移綠竹分溜植青蓮
自抱清修業因窺小乘禪晚蘭風際吐庭藥雨中妍
念汝才情美增予野興偏無煩更投轄醉卽枕經眠
吳門逢程相如文學殊自意氣因賦長律贈之
芳樹鳥關關東行棹未還偶逢塵外侶旋解客中顏
似欲探龍領寧詢語豹斑蹤浮雲水盡各處俠儒間

代馬黃金勒
吳刀白玉環
南遊低越嶠
北走隘燕關
何處三千履
誰家十二鬟
染毫增象緯
揮塵狎潺湲
酒伴新相結
文心故自嫺
直須飛一杖
從爾遍名山

陳從訓

山館同諸客
分得青字

僻境開精舍
初筵聚德星
霞標山閣紫
雨過石林青
入徑金欵側
穿巖忽窅冥
花明飛白絮
竹覆州玄亭
躡樹衣時絰
經苔杖屢停
軒牕皆置研
篋笥半藏經
薜荔高懸屋
葵榴燦結屏
杯傳三昧酒
盤薦五侯鯖
景幻詩難敵
歌狂客易醒
老夫偏病渴
洗盞乞中泠

舟次淮

陽陳清甫進士
夏玄成孝廉陸無從江

仲嘉吳祚虞諸文學劉巨公方建元王長卿諸
山人累日携具泛江且呼二妓行酒雅極歡洽
因賦長律紀之

偶乘揚子渡來狎廣陵濤累日過詞客分期載濁醪
泛隨邗渚曲坐見海門高夕柳迴漁笛風蘋引釣舸
重城烟縹緲萬室水週遭雪色黃魚膾蘭香紫筍膏
隋宮巢鶴鶴魏壘蔓蓬蒿羽觀銷瓊藥禪林散玉毫
瓜陵何處問桂社迴堪逃吊古歌誰和論文醉亦豪
荒臺空戲馬佳會且持螯二女能捐佩還疑在漢臯
金陵逢李伯初廷評金席珍國博酒間賦贈二

子皆子 醫學黔中時所取士

夢寐黔南別 徘徊白下逢 行年吾已老 問字汝猶恭
遠載長干酒 來聽野寺鐘 詩篇俱感慨 冠佩且從容
大道馳雙驥 仙班儼六龍 引經能斷獄 修禮待臨雍
譽自騰三殿 恩將下九重 母煩念空谷 取次勸勳庸
表惟鄰 兵憲削平皖 寇詩以壯之 如汪伯玉司

馬體

使節臨江介 軍符護舊京 關河縣保障 吳楚藉提衡
自倚蒼龍劍 寧邀白馬盟 八門開細柳 千舸習昆明
汝獨顯安長 盧人方玩太平 俄聞豺虎嘯 忽遣鶴鷺驚

縣道新營戍郊原猝廢耕毒流邾子國烽照皖公城
慷慨宵橫梨驅馳曉抗旌疾如飛隼擊威儼射駉行
捲甲圍初合登陴矢並鳴火攻愁伏螳血戰殄長鯨
部曲鏡歌發雲霄捷羽輕萬山銷瘡癘五夜落欒槍
金帛君王寵簞壺士女情誰知青瑣客解破綠林
兵

繡佛詩爲王長卿內子題

豈是牟尼像偏歸善女紅
妙香縈藻案纖手映花宮
綺練光猶淺丹青技易窮
非緣三世識那得五紋工
雪錦天孫避水純帝子同
金身元燦爛玉面惣圓通

不盡慈悲意都含纂組中始知青閣彥亦有素娥風
俞羨長自潤州與予同舟溯江入楚留寓北園
卽事賦得長律四十八韻

解纜發姑蘇揚津下白榆所期人不至欲往興仍孤
累日停京口重雲粉蠹湖布帆中夜落稊子隔橋呼
旋乞鄰船火聊傾水市醪驚心看齒髮握手醉菰蒲
遂作長征計燕陳不朽圖瀟湘從此逝李郭未爲殊
友道磷金石詩篇失瑾瑜江行馳象馬野泊混鷗鳧
頗挾風濤壯那知節序逾經旬渡淮海五月次留都
龍虎千秋勝烟花六代徂故宮仍壯麗殘壘半荒蕪

絡繹來詞客參差過酒徒。審音誰雅鄭從好各笙箏。
結社群吾黨盟壇一腐儒。炎蒸逃伏枕山水借操觚。
口耳難推赤塵囂易奪朱。感時君獨奮懷古世應無。
得象岷連壁揮毫天雨珠。百家窺浩瀚諸體辨錙銖。
抗志遊三昧揚眉視八區。已能由覺路猶復叩迷途。
高曲遙追郢新聲久厭吳。苦吟偏自喜屬和每相愉。
興發將飛動思沉更鬱紆。忘年邀對榻遜長執趨隅。
似有精靈合何嘗禮法拘。鳳臺凌縹緲犀浦越須臾。
顧渚茶盈缶蘭陵酒滿盃。總非河朔宴不減步兵廚。
醉拭雙龍劍狂呼五木盧。氷盤行腊脯雪盞進雕胡。

列郡千峰擁長川萬壑趨
晚公森列嶂廬子忽前驅
攬勝舒清嘯登高愧太夫
物情均落落幽賞自予
容久資糧罄形衰藥餌扶
居人占石鷺漁父怯銅烏
岬岬愁新漲家家避濁塗
故關俄在望空谷隱堪逋
埽徑斜穿竹看天並據梧
且須閒飼鶴何用遠思鱸
起卧層峰下招携二仲俱
虛縣天姥夢羞擬列仙癯
習靜時燃桂無管類守株
納涼陰洞口彷彿在蓬壺
秋夜湖上觀諸僧放燈
一水泛慈航千燈出道場
微風清梵鐸靜夜鬱空香
焰吐花宮麗膏分火宅長
蚌胎珠錯落螭口玉輝煌

細浪成金海，洄流作寶坊。乍疑星亂貫，何怪月無光。
朗照連三界，長明到十方。誰能觀自性，生滅兩相忘。
武昌韓若韋使君五十初度適以奏績加恩敬

賦一詩稱賀得二十韻

當代循良守，明公自出群。風神閩海秀，筆札漢京文。
博涉兼金石，冥搜貫典墳。登朝高省署，領郡扼江濱。
濟閣俯漢陽，樹盤羞雪蕪。芹焦勞弭疹，藹寬恤起耕。
耘澤下心如，水干膏氣若。雲製工僑氏，錦神運郢人。
斤約法空囹圄，迎機破糾紛。清聲與誦協，嘉績薦書聞。
祿賜贈千石，褒章錯五紋。國恩深雨露，家慶積

氤氳感激匡時切驅馳問俗勤偶逢行下邑私幸

清芬洞口花相送松間酒共醺山林殊氣色魚鳥亦

歡欣黑髮年初艾朱方德遍薰岡陵同獻祝鐘鼎待

銘勲桂籍三台近棠陰二鄂分稱觴祈不老常翊

聖明君

自徐比部所與應時逃席放舟比部又率其子

弟載酒追送四十餘里夜過排市共醉舟中及

曙而別因賦二律即景寓情得十二韻

累日不勝飲暫從間道速諸君何繼綬載酒復追呼

石激灘流迅沙崩岬樹枯暝雲靈列嶂寒雨裊平蕪

鼓棹魚梁險推蓬水市孤參差樓鴈驚宛轉出菰蒲
側帽簪黃菊深杯泛紫萸漁歌聞斷續野興託歡娛
絕似浮銀漢無勞乞鑑湖流連忘夜永潦倒藉人扶
卧欲支長枕酣仍擊唾壺霜天猶未旦狔獮噪樞烏
讀陶懋中寓葦集喜而有寄

信是柴桑裔常含松菊情一官趨末路三黜見平生
擬續靈均賦聊爲鄂渚行振衣雲夢野託跡永安城
禮獄群靈擁浮湘萬壑鳴言尋茂樂處薄采擢歌聲
黃鵠從高舉青虬護上征揮毫恣壯麗吐氣益縱橫
弔古情偏激哀時調未平倚絨光岳動披牘鬼神驚

只似馳玄石何曾問白珩形容經歲改肝膽向誰傾
色澤回星象芬芳掩杜蘅詞場爭樹幟武庫已陳兵
隻字堪張楚高吟當識荆登樓瞻赤壁江色故盈盈
嚴母徐太夫人三十壽詩

海畔神仙府花間壽母慈令儀賓上相徽節引長年
室啓重芝瑞蠶蟠五木烟進觴霞卉并獻彩日翩翩
玉女將環佩麻姑闔海田護榮纜五十莖實擬三千
况是清和景兼逢浴佛天虞山多紫氣青鳥下翩翩
陳長洲公衡見過論詩有贈

禍泊長洲苑勞歌傍水雲豈應遊客調能動美人聞

出郭驚相問登舟語不群詞名誰哲匠吏事亦神君
厭俗知懷古移時坐論文須臾心莫逆光岳氣中分
壯欲凌吹劔奇將匹運斤異時看獨立餘子自紛紛

遊仙詩十二韻贈通侯永年

人境一何感冷然思遠遊雙鳧凌絕漢八駿隘神州
問道空同室尋真聚窟洲大丹金母授靈寶木公投
秘寶三千歲芝榮十二樓斗縣分景劍霞攬吉光裘
玉笈登名姓瓊官拜冕旒流水心騰赤鯉開口度青牛
麟脯天厨薦龍珠象罔收行空摩日月超世領春秋
信宿川陵變斯須海岳周飄飄從所適豈必戀蓬丘

楚府郭常侍辭官學道寄贈一詩

賢哉中侍御，遣自大長秋。官省勤勞最，王侯禮數優。
晚年聞至道，折節景前修。卻厭鳴璫貴，常思攬珮遊。
鞭龍出蓬海，騎雀指崑丘。擬度三千界，將栖十二樓。
一辭冲主去，遂爲列仙留。何處軒轅鼎，君山最上頭。

金幼龍寓子狎鷗亭醉中有作見簡走筆荅之
艇子繞容膝，編蓬作水亭。白鷗隨下上，彩鷁破沉冥。
獨坐披神霧，浮家傍客星。祇應漁父問，何意酒人停。
酒榻依晴岬，行杯漱晚汀。歌諧湘女瑟，食厭楚王膾。

樹樹含雲碧峰峰入幔
內此中宜醕酌莫遣一時醒
韓晉敷司理過訪北園
同應時小飲

命駕出溪橋何當野興
饒直尋村逕入寧待主人招
二麥如雲長群花過雨嬌
披衣凌磴脊掃竹坐山腰
石影雙池動風香萬樹飄
談深忘爾汝心遠卽漁樵
高唱林亭發餘歡水榭邀
無妨歸路晚片月朗層霄
爲汪伯玉司馬哭其弟仲淹

有弟如司馬無官是伏龍
詞林誰伯仲樂府間笙鏞
美競昆雙壁恩均蓋萬鍾
任勲明主意辭辟故人蹤
意氣懸相慕川陵悵未逢
漿家傳酒德俠客避

談鋒久夢思丹藥遊仙夢赤松可憐華萼委無復鴈
行重已自騎星去那能擲火攻天都還體魄虛室儼
音容忍問龜茲兆愁臨馬鬣封招魂渺何許黃白兩
高峰

爲吳別駕悼姬八韻

江左風流客胡然夫麗人抱衾緣不薄竊藥事疑真
只訝三星賈惟餘一鏡塵雲迷巫峽女雪暗洛川神
碧玉名仍美阿香迹已陳不堪收骨痛重憶捧心顰
帳冷鴛鴦漢臺空鳳去秦及魂無一計風雨淚盈巾

寄贈崇陽陳明府

明府以進士令崇陽三年惠政不可勝紀業
已奏績受 恩命矣邑縉紳大夫嘗走使徵
予文爲賀屬卧病不能應乃私心常歎然也
頃其門人程萬里手一卷過予爲明府索贈
則郭太史先之矣因如太史體草草十二韻
寄意云

天府推高第中州挺大賢才鍾河嶽秀名起治安篇
順邑遙之楚看雲每向燕秋毫民瘼見寒谷 帝恩
宣狐鼠驚相避冰霜凜自堅棘林聊下鳳葑屋賴烹
鮮四境河陽頌高齋單父結牛刀關禮樂鳧舄擬神

仙時兩千家足仁風二儔編 褒書三殿下薦牘五
方儔政績虞廷品循良漢吏肩無煩收野史上國有
青編

何江夏與父賦得南岳長歌壽子七十因以長
律報之

詎意神明宰無交問逸民一書巖穴重千古藝林親
匣劍鳴相應囊詩和更頻興同騎鶴過機欲擾龍馴
壯氣三巴吐清風二鄂振行歌無衆楚博雅自先秦
爲識支離癖常憐老病身虛懷敦友道高詠祝生辰
握管招衡岳傳觴吸漢津玄冥開氣象赤帝斂精神

瀑布沾衣濕芙蓉插案新采雲升縹緲丹嶂角嶙峋
恍惚虞巡遠摩挲禹蹟陳五丁皆失力雙壁未爲珍
縮地功疑幻移山事尙真攬圖堪愈疾披卷更忘貧
似指群仙路俄清百斛塵餌分靈鳥藥蔭藉漆園椿
自愧非高士何緣遇異人良當操晚節且復報陽春
未減投襟袂蕪之佐酒緡誰能揮郢斧汝獨悟齊輪
霄漢應飛舄烟波只釣綸知音殊不忝壽域擬同臻

黃宗陽封君輓詩

老大稱齊齒交游憶少年歡頻雞黍洽義更薦蘿偏
里社關休戚江村託靜便謳吟希粟里頌讀慕莘田

性藉烟霞適茗椀月旦賢千金然諾重一日義方傳
駁足馳天路鴻聲動御筵青山門閥重白屋帝
星懸共覩雲成幄何妨雪滿顛玄黃趨濟濟冠蓋擁
翩翩賜爵恩將遠還丹術未專喜心逢畫錦病骨
委寒瓊賀弔族相倚崇哀訝獨全歛形真反素騎氣
倘遊仙黠淡群靈過逍遙萬事捐故人將絮酒揮淚
灑重泉

瓶甌洞續詩部卷之七終

廣輿洞續稿詩部卷之八

武昌 吳國倫 著

檇李 馮夢禎 校

七言律詩

初春張伯常使君招飲川上樓

病起荒城雨雪驕，追隨五馬度河橋。
倚樓雲氣寒三楚，隔水峰陰澹九霄。
春色漸從汀草合，晚風紛蹴野蓬飄。
興來拚與山公醉，不枉銅蹄孺子謠。

將至武昌王若思使君遣人以詩相迎率爾奉
荅

甌甌洞續稿

卷之八

乙

短棹飄颻入武昌山川今古鬱蒼蒼使君擬下南州
榻野客貪趨北海觴治郡清風開二鄂登樓高詠寫
三湘翻慚病筆題鸚鵡不及當年處士狂

武昌李司理過訪赤壁舟中卽席同行甫孟孺
賦

午風飛蓋出江濱卻喜孤舟共李君平楚蘼蕪春浩
蕩遶城烟水日氤氳旋移書卷供鋪席細倒樽罍款
論文西日漸從樊口落蓬牕猶接萬山雲

阻風漢口簡王太常蔡憲使

漢水西環二別來長風巨浪蹴天回維舟暫避蛟龍

鬪伏枕偏驚鴈驚哀暝霧隔江迷夏首春雲何處辨
蘭臺懷人咫尺難相問合是山靈妬酒杯

過郢訪劉中丞道故

壯歲中原並轡馳吐心曾結百年期可堪岐路成長
別猶及江鄉覓故知郢里雪歌誰更和蘭臺風賦客
仍疑相看白髮樽前短莫道東山詔起遲

客有談玄證以佛經者喜而有贈

方外逢師若有神同舟累日叩脩真由來九鼎先天
藥轉自三關大法輪龍女珠光騰日月牟尼花雨散
金銀可知仙佛都心性誰道西方有聖人

讀諸道書佛書偶作

夢入空同問道回，醒從天竺證如來。
開林穩植三花樹，卜宅先營七寶臺。
咫尺元君歸靜樂，逍遙佛祖下蓬萊。
毫光卽自玄珠吐，白衲黃冠總浪猜。

次襄陽適聞楊仁甫擢駕部員外喜而有贈

千里驅馳問故侯，大隄兒女正歡謳。
幾年卧閣看浮世，一日徵書下帝州。
列戟新題司馬署，輕帆穩趁秣陵遊。
從來雅道時名薄，莫怪周南怨滯留。

張使君邀飲樊城仁皇寺席上作

遠謁名山度漢津，何當傾蓋卽情親。
招携並入三天

界笑語能空萬劫塵地自樊侯稱勝槩主應山簡是
前身襄兒夜唱銅鞮曲縱飲無勞問酒巡

梁仲登使君招飲均州南城樓漫賦

麋城如斗衆山羅南擁飛樓接太和樹杪滄江三楚
落雲間紫氣八宮多大夫新擬登高賦漁父曾遺鼓
枻歌

古滄浪在樓以之東山下詎屈原逐漁父處

只似庾公清嘯處一樽明

月散藤蘿

悼王孝廉 大方伯公子也

濟南經術起家何異神駒貢渥洼道有文章驚象
緯其如歲運值龍蛇綈囊但貯東封草泉路終迷上

苑花永訣無言遺恨在班衣化作嶺頭霞

悼王節婦

節婦姓菜氏爲王孝廉妻孝廉死
木旬日婦亦不食而死故併悼之

王家少婦迴天真痛哭秋烟暗海濱有約甘爲同穴
鬼何心復作未亡人追隨儼跨雙鸞去粹白常同二
曜新若使返魂棲總帳也應相敬復如賓

襄王孫啓彊得之携壺舟中對月談藝分得亭
字

大隄春樹隱官亭何處行歌晚厭聽月湧一江天際
白雲移三峴浪中青詞人立意求同調午夜揮觴破
獨醒王杜只今留故宅高風千載足儀刑

邢子愿少叅遣書見問燕有過訪之約却寄一

首

濟南邊李故多聞屈指詞才更屬君軒冕未應妨結
社山川猶自阻論文歌調郢里千秋雪佩綰衡陽五
色雲書到定知能覓戴清光遙夜薜蘿分

送子愿使道歸濟南壽其二親

彩鷁春江破曉飛東方紫氣燭庭闈言憑海岱供調
鼎更采蘭蘅結舞衣門閤總緣經術重賓朋盡借德
星輝秦松漢栢君家近古色峻嶒上翠微

徐懋弘懋誠兄弟並以勲胤同仕爲郎寄贈一

首

玉樹雙標黼座前，卿雲甘露劇相鮮。
卻看許邵齊名日，猶似姜肱共被年。
入署香分雞舌美，退朝花挹鳳毛偏。
漢家恩禮隆勳舊，鐘鼎千秋擬並傳。

山中有聞寄慰鄒彥吉

乾坤何處不荆榛，畏路還堪遠問津。
見道城狐方屏跡，無端市虎復驚人。
賈生虛自逢明主，湘水重看
手逐臣梁獄一書。曾未上社中諸客，
揔傷神。

黎君實文學以遊麻姑諸詩見寄遙贈一首

矯鳥凌空躡翠微，萬峰羅向古壇飛。
言携木客尋真

入卻見麻姑馭鶴歸巖谷定知藏玉筍桃花虛復妬
仙衣經過變幻雲霞色不分都從綵筆揮

飲黃徵君萬松別業留贈

復隴軒軒鬱萬松新營別館翠烟重即看勝槩憑千
雉何止名家有二龍醉倚花間青玉案飛來江上白
雲峰汪洋叔度君無忝日許狂夫載酒從

呂從之文學渡江見訪磨間賦贈

一日江帆帶雨移北園花石總幽期同心不待分金
見把臂偏從倚玉私歌罷捲簾重對奕與來呼酒莫
停卮君家尚父丹書在遇合休言後載遲

夏日詹京園過訪

詹郎才美士林誇萬里飛鸞
蕩渥注懷牒試爲文學
掾采風先過野人家
新知海內同聲少
高論尊前俠
氣奢明發西陽懸馬首
相看岐路火雲遮

龔茂才國銓過訪席間賦贈

楚國先賢漢兩龔
君家四世與同風
青天問月才殊
壯綠鬢凌雲賦已工
鼓枻大湖波泱泱
開樽長夜雨
溟濛酣來更識新
知樂莫道忘年只孔融

同吳國賢劉應占泛滄浪湖因過北園小飲

城頭新水綠如雲
興發呼舟泛夕曛
浪觸鳧鷖偏狎

客風牽荇藻欲成文烟橫野堞千家靜雨裊山園百
卉芬昏黑一樽歡轉劇狂歌不遣世人聞

舟送國賢應占二十里外即事感別

平湖新漲遠浮空送客孤帆趁曉風伐鼓蒼茫樓堞
外鳴橈宛轉荻蘆中洪濤已漸吞魚市古木渾疑卧
海宮莫怪流連更杯竿須臾鷁首便西東

亮上人自吳江來見訪留寓福勝方丈語次贈

二詩

千里颺颺震澤來大江風浪一浮杯占星已辨高僧
入受法應從異域回洗鉢龍吞功德水繙經花雨妙

香臺往時曾許招蓮社何用攢眉兩見猜

其二

方外論交一日多吳山楚水柰君何不辭路險經風
雨遙向雲深叩薜蘿飯借孟蘭持共飽香分石鼎待
相過降心欲問無爲旨震旦西來自達磨

送莫文學應聘赴滇南與試

橫經雅作諸生範捧檄俄趨萬里遊天盡西南標漢
柱山懸金碧護梁州文名却借青瓊重國士應同白
壁收不是千金增一顧誰令荒服貢驂駟

揚仁甫以襄陽郡丞考績賜封二親賦贈

五色褒書下 帝都襄陽兒女亦歡呼青編紀緒循
良吏華髮承恩子大夫湛露九天分狄掌德星千里
燭句吳君家累世遺清白不必誇人畫錦圖

荅郭翰林美命見寄二首

長夏清齋獨據梧每憐高曲郢人孤那知紫府神仙
吏亦問滄浪老病夫書至山川移握手賦成賓客罷
採觚秋風黃鵠摩空起四顧非儔莫浪呼

其二

遠道緘書叩薛蘿南薰死轉入琴歌黃童蚤慧江鄉
重班史親交父執多短榻清秋開石室片帆何日下

江沱花間抵掌談風雅猶勝空文弔汨羅

張叔見使君奏績重封二親賦贈

百雉城頭淑景開青鸞逆下五雲來非綠詩禮趨庭
訓那得循良治郡才厚祿已能供列鼎褒書重見出
中台琅函錦字傳巴蜀不數題橋馬同

答大司馬行之方公見寄

故交垂白悵難居木落霜高鴈影踈千里夢中頻命
駕隔年江上一傳書回看往事驚彈雀憶乞閒身學
捕魚赤壁烏林遙在望入春遊興肯教虛公詩云春
未備有西

遊興赤壁山
前問釣磯

大司馬子彬吳公書至自嶺南卻寄

一卧空山已十年故人猶自遠相憐開河不阻中原
夢書札頻從絕海傳輸欵百蠻趨幕府舉旗諸將罷
樓船即看鐘鼎銘勞日多少英雄願執鞭

寄懷黎惟仁

鎮海樓頭一握初風襟落落世情踈承家不忝重黎
喬覽古重刪越絕書別去交期應未改年來酒態復
何如羅浮萬里懸相望敢道乾坤一敝廬

早春同向葵卿侍御小飲北園即事

雪磴雲林爽氣開萬山春逐美人來非緣去國同幽

與那得登高見賦才穿徑碧蘿侵岫幘遶池蒼樹引
行杯憐渠幾日青陽景一夜東風便落梅

江上送方定之中丞開府鄖陽二首

壯歲分携白首逢向來何處挹僊踪每從霄漢瞻翎
鳳卻喜風雲起卧龍梁楚重嚴三鎮節嶠函偏壯六
軍容懸知帶劍趨朝日不遣勳名負景鐘

其二

方叔謀猷海內傳東山歸卧已多年一時奉詔華夷
重萬里臨戎節制專諸將隆中開幕府故人江上望
樓船移尊且醉龍洲月別去風濤潏自憐

白河口阻風

河口在樊城東十里

漢廣平吞白水河狂飈獵獵起江沱飛沙急撼千山
動蹴浪橫驅萬里過盡日乾坤增黯淡遠隈舟楫柰
蹉跎歸心已逐東流去且覓樽醪一醉歌

鹿門灘遇曾大司空見過舟中小飲醉而成詠
鳴槳東下鹿門灘薄暮江天雨色寒邂逅中流仙客
過婆娑一醉旅愁寬水烟平遠龐公洞山月徐升漢
武壇弔古懷賢生感慨何曾傷往泣南冠

太和山下遇費國聘給事有感作

春風玄岳采真回有客行吟漢上來入夢山川千里

谷避人懷抱一樽開由來雅道能違俗豈是清朝
未愛才憶自靈均騷賦出江流今古不勝哀

○○漢上得紀旭仁書且有見訪之約卻寄

嶺海兵戈悵別深春雲入望阻湖陰夢中呼酒還如
昔歸後緘書只至今蕤苑浮名餘白首山家生事委
玄心抱琴何日能相過爲尔重操太古音

○○荅蘇以時觀察有引

頃予過郢觀察遣人見約愧不能從比至家
則問遺又在門矣因閱來詩且感高義聊荅
一律兼問沔陽費國聘云

輟棹行吟過郢東。深山何意到飛鴻。蘇卿故擅河梁體。季子初聞大國風。苦水尚憐簪未盍。數行應與夢俱通。憑君試問陽春客。今古誰言調不同。

雨中范使君同李郡丞陸司理邀飲赤壁

江郡城臨古釣磯。參差臺榭蠹烟扉。狂飈忽捲蒼波亂。急雨渾驚赤石飛。滑徑扶携爭濟勝。暝筵歌咲欲忘歸。且從山簡如泥醉。前代英雄儻是非。

讀范玉穎使君蠶桑書喜而有贈

漢家守吏重循良。金紫如雲出上方。諸郡從容操虎竹。使君勞苦課蠶桑。千村機杼鳴相應。五色絲綸吐

漸長異日永安風土記不殊青史照龔黃也然錄也
寒雨中過柯山園大司寇稚表王公少宗伯子瞻
丘公携具見訪席間同行甫賦

江風江雨暗柯山忽枉軒車遠叩關白首情深朝市
外清樽興滿薜蘿間天王正切空雍問勝地偏容二
老閒向夕無妨松徑滑攬衣移燭更追攀心辨香
張進卿侍御自潯陽來見訪

湓浦移舟止急湍寒裳欲拾楚皇蘭各言湖海藏身
穩只惜風烟握手難僻逕疎籬驚息駕貧家濁酒
留歡當筵不必徵歌舞石案橫琴起自彈

憲寄勞居任中丞

岐路浮蹤各歲年，燕山廬阜遠相牽。
交情豈爲風雲變，世態都憑海嶽遷。
事去微名湘水賦，歸來生理漢陰田。
壚頭尚憶當時醉，那得過逢續舊緣。

海南四景爲王紹傳宗伯題

其一 文筆峰

天削孤峰粵道遙，峰紋幻作五花飄。
怪來真氣藏雲笈，時吐靈光燭斗杓。
鼇脊烟生黎婺降，蜃頭波噴海神朝。
分明萬仞南天柱，何用稽兵阻漢標。

其二 金雞峯

海日初升萬象齊南山高處唱金雞能令百越無長
夜似出三天指大迷曉霧常扃仙子宅春星猶燦古
人題 清朝蚤獻長鳴賦阿閣還同彩鳳栖

其三馬鞍山

五指山盤學士居瓊崖天造一扶輿飛巒跨海圖金
馬積石含雲綴三魚似逐秦鞭來作案旋探禹穴待
藏書望中佳氣開三象誰道 皇家夢卜虛

其四碧水橋

建江春漲碧氤氳夾岬千峰一線分虹飲山橋橫學
月龍蟠甲第起如雲蘭洲結佩聊清玩棘澤投竿自

大勲卻惜山陰王逸少流觴虛勒永和文

寄酬郭美命太史

玉堂清切紫宸居退食焚香手秘書史法定知工二
左騷經元自祖三閭丹霄雨露身先近黃閣絲綸席
已虛最是世交情不淺數行千里問樵漁

寄荅任白南太學

慷慨凌雲志未酬少年經術自名流論文蚤悟風人
旨挾策今多長者遊駮骨幾時收冀北魚書五月到
滄洲時情滿眼君休怪白壁從來忌暗投

荅向葵卿夜泊捲雪樓見懷之作

揮手遙辭薊北門，鄉關入望轉銷魂。
登緣畏路腰難折，猶幸還家舌尚存。
白雉春回山意足，黃龍夜泊水煙昏。
行吟只尺聲相吊，萬事無如大雅尊。

白雉山名
蔡卿家其

下言其體在其一

寄訊蔡卿侍御

再入天京路轉難，風塵何處好彈冠。
經行驄馬無人避，乞得青山且自寬。
諸弟執經趨問業，老親扶策待加餐。
江潭屈宋今千古，未必名高籍一官。

贈程萬里

萬里故善形家業近又習觀
天文注有簡論喜而贈之

白鶴青鳥浪擬仙何人操術似君玄星符定向君平
叩竹牒應逢太乙傳杖叱九龍行相地掌披群象坐
談天古來二正分南北猶是重黎業未全

襄陽舟中逢程萬里至自河南志喜

躍馬經春宛洛遊懷人千里夢相求那知漢上逢王
粲猶似山陰過子猷棹擁晴雲深樹泊江牽明月大
隄流開樽爲破風塵色知汝能輕萬戶侯

同李校察登襟江樓

樓在蘄州江上

新營官閣俯春流樊楚烟光四壁收城遶鳳麟
開萬戶水吞雲夢落三洲
蘄故有二洲今新長一洲帆檣莽挾風

雷過棟宇平臨日月浮頗似追隨庾開府據牀清嘯
古南樓

聞王唯吾量移德安司理志喜

奉使神山采藥回除書遙復借仙才敢云宣室承
恩晚曾是甘泉諫獵來三尺且提鄖子國九歌應傷
楚王臺江關搔首經年別咫尺愁雲萬里開

將至太和李孟誠中丞自鄖鎮兩遣使來相招
賦此辭謝

驛使連翩幕府來藏書持傍嶽雲開三關坐控神仙
界群牧爭推將相才尚憶往時操几杖何辭高館齋

屢巖花點綴供躋攀迴舟日仄醉波上據石雲生眠
竹間倏忽林亭變初境月華千里韻泉潄潄

酬貞吉見寄兼訂重來之約

憶泛輕舸入雒汀追歡長日醉林坰別來婚嫁妨遊
屐老至風波穩釣亭木落洞庭秋又盡鴈過彭蠡病
初醒扶筇尚有重來興萬石蒼蒼萬竹青

霜降日陳育之振之兩茂才見過北園因贈

是日

初晴

何意元方與季方遠携秋色過山堂林烟不散猶含
雨籬菊初花未受霜嗜酒漫同楊子癖傳經虛擬鄭

公鄉環池古木參天起且與銜杯待夕陽

奉荅王紹傳宗伯見寄二首

秋盡霜寒北鴈勞傳書萬里下江臯開緘直訝三光
近倚牘慚當一字褒見道逢人憐襍被何須識面解
緜袍因君偶縱長安目聞闕雲霞五色高

其二

御氣氤氳黼座高侍臣簪筆領祠曹泰階星擁圖書
府禁苑花明學士袍夢寐無從觀典禮詩篇何意獎
蓬蒿當年七子名空大老病那能續楚騷

宗伯詩有
獨醒曾否

者懷騷
之句

和王紹傳宗伯五指峰詩二首

黎婺山蟠碧海空分明赤手判鴻濛巨靈劈後烟霏
異仙狄分來沆瀣同南甸諸州憑鎮靜中原五嶽僅
爭雄年來瑞氣鍾人傑一握絲綸在漢宮

其二

五嶽森削指南天學士詩成萬里傳只自彩毫分氣
象俄令虛几落雲烟高擎佛手珠花錯俯揖神山海
色連安得從君躋絕頂摩挲日月枕星眠

萬方伯招同邢州牧飲大觀亭時方伯年七十
予三人並六十以上因得竊比四皓云

層臺高館闢烟霄，吳楚川原入望遙。
席挂行雲過浦口，城銜落日駐山腰。
浮名久破三朝夢，勝會疑同四皓招。
把酒談玄誰獨健，醉中猶和白雲謠。

訪張進御酒間作二首

一水相過兩日程，匡廬峰色遞相迎。
登堂野服饒真態，促席清觴遠世情。
總悟風塵交結晚，卻便舟楫往來輕。
自今莫問誰賓主，雞黍無時定後盟。

其二

江上新營柱史堂，一區風景傲柴桑。
東籬菊放幽人至，南嶂雲開野席張。
歲晏寒心飈踈白，髮宵深明月麗。

紅妝看君多少娛賓意十日平原飲未央

故人余秀仁自山東來見訪酒間賦贈

余生新安人善楷書初以儒士將赴中書之
選爲濮上蘇司馬所留後司馬物故生亦流
落無家今七十矣遠來見客愧無以振之聊
爲此贈

兔苑相逢三十年星分齊楚夢中懸嗟君老作無家
客向我重題感舊篇虛擬禁林珍翰墨只從岐路飽
風烟且持杯酒看殘菊明日孤蹤又各天

冬日同胡山人夜醉家兄宅即事

只怪冬深夜不寒張幃秉燭劇相歡柑分玉乳傳纖
手魚膾銀絲疊翠盤繁吹忽侵群籟發麗歌直遣百
愁寬樽前菊老猶霜色且共詞人倚醉看

得宗良書併見懷詩雅有遠遊見訪之興賦此
報之

歲寒猶枉故人書垂老耽詩癖未除思極有時忘寢
食句成無字不璠璣漁舟尚擬三湘遍鳩杖寧容五
嶽虛襟慨出門何所向先從谷口問吾廬

偶過蓬萊宮登獅子岡望雪

雪滿郊圻歲欲殘仙臺高擁碧霄寒扶筇不畏山行

險柱笏偏驚野望寬雲凍二儀愁混合花飛千嶼生
巖岼依希群玉峰頭過萬鶴迎人振羽翰

送莊則勸赴懷遠司訓

歲晏江天雪正高送君寒色擁綈袍一經偃蹇逢時
晚多士趨躡問業勞暇日塗山瞻王氣清風壁水鑒
秋毫壇前手植明堂柱絕勝玄都千樹桃

其二

窮交白首歎無媒六翮凌風尚未摧素業且分都講
席青雲先錄帝鄉才誰同濠上觀魚樂客有荆山
獻玉來天子臨筵問三禮君應親捧萬年杯

送武昌李司理應召北上二首

以下戊子歲

幾載輜車過楚羣
皇風未播敢言勞
訟庭日月懸丹草
水國烟霏入彩毫
飛詔忽憑雙鳳下
行旌漸逼五雲高
可能臺省從容日
猶有音書問釣舠

其二

烟波江上兩逢君
曲席論詩到夜分
含意欲調湘女瑟
戾風疑奪郢人斤
今看治行朝端重
不獨詞才海內聞
白簡青蒲宗社計
何人先汝效忠勤

初春同諸親友集川上樓

勝日招携試早春
登樓烟雨散湖濱
堤縈苑柳青仍

溪野曠蘼蕪綠漸勻雲水近城漁釣狎親朋促席酒
盃頻歌前興發千山暮醉態娑娑倘見嗔

戊子初度日感懷口號

六十五年飛一電百年來日也無多虛將往事分
局老送窮心付薜蘿兒女室家都泛宅交遊湖海半
頽波清樽解惜龍鍾態且閉巖扉自放歌

雪中簡伯良

臘過春回氣轉寒江天雨雪晝漫漫綈袍客路逢誰
解短斂侯門恥自彈詩句十年愁病得交情一日死
生看園梅呀柳都無色只怪當樽與易闌

武昌王使君若思以考績奉 詔加恩賦賀首
三楚提封十五城列侯誰並武昌名郊園雨露桑麻
色道路軒車父老情天削岷峨元獨秀風行江漢有
餘清漢家長吏多卿相不忝泥書獎治平

其二

前代循良楚叔敖流風千古又賢豪三年郡績紛相
薦五色天書遠見褒鄂渚烟光浮署閣漢京雲物遲
千旄名家世德迤青史佩服 君恩慶所遭

荅寬伯見贈

抱病歸來擅一丘隔江何意晚相求烟霞自許巢由

癖夢寐時從屈宋遊，知汝少年通六藝。好誰同志業，
千秋論文不必陳樽俎。賢者猶堪十日留。

贈尹申甫文學還安成

當代文儒盛吉州，若家宗伯更名流。玄經授汝應能
守，白璧疑人且未投。會擬雲霄題漢柱，漫嗟風雪故
秦裘。春來取醉山園好，無那鶯花動別愁。

得尹參軍教甫書愴然有感卻寄

闕下看君已鳳毛，半生消息寄風濤。歸來甘老愚公
谷，問訊猶憐范叔袍。館閣青編誰更續，江湖白雪汝
能操。臨風忽下西州淚，虛說侯生負土勞。
參軍父宗伯爲子座

主令一世
十年矣

贈戴安甫

江上論交漫十年，看君俠氣晚逾偏。
浮家吳楚孤雲傍，旅食風濤雙劍懸。
夢到鱸魚歸未穩，醉題鸚鵡客誰先。
僦居窮巷草塵少，惟有胡姬索酒錢。

酒間再贈安甫時將遊鄂城

春雨江帆幾日程，重來花石也深情。
布衣方外交能久，斗酒林間坐更清。
况有詩篇酬地主，不嫌踈懶謝時名。
西歸便欲騎黃鶴，一水猶聞玉笛聲。

久雨偶過北園二首

春深花事雨中饒竹色苔紋艷石橋新漲忽侵欵
山濕雲低拂亂叢飄風迴小徑摧榆莢瀑濺虛巖長
藥苗白鶴迎人變起舞旋呼村酒坐山腰

其二

雨積郊園怯杖藜一區紅紫半淒迷巖懸薜荔成愚
谷水泛桃花學武谿百歲由來身是夢三春只合醉
如泥可憐魚鳥親人處誰共磨崖細品題

得玉叔方伯書却寄

煮石山中老未成看雲江上若爲情白頭尚憶丁年
別赤日寧寒午夜盟千里書郵通異地一時詞苑見

同聲。凡君更接南州士。孺子那能獨擅名。

廣韻洞續稿詩部卷之八終